

La doturia Grete Mahlknecht é demez en jöbia y vëndres, ai 23 y 24 de merz. Ara vëgn sostituida dal dotur Eduard Agreiter 333 13 80 852.

Le dotur Eduard Agreiter é demez dai 27 ai 29 de merz dal lönesc al dedemesaledema y vëgn sostituì dala doturia Grete Mahlknecht 349 06 67 034.

Por les comunicaziuns ales PLOANIES S. MARTIN Y LUNGIARÜ ciarede daite!

SAN MARTIN

Ince por l'ann 2023 Ves periunse indô da paié ite cina ala fin de merz le contribut por la cöra - *ciarede plü avisa tl'ultima plata*.

Düc/Dötes i/les Seniors/es da San Martin y d'Antermëia é dër bel invia/des a n domisdé da pastelné cun Pia Pedevilla en jöbia ai 23 de merz dales 14,00 ales 17,00 tl salf stödafüch. Prenotésse pro Alfred 333 365 4786 cina ai 21 de merz.

LUNGIARÜ

I/les seniors/es da Lungiarü é dër bel invia/des da gni la jöbia ai 23 de merz dales 14.00 a chidlé a Al Plan tl "Hotel Waldruh". i s'abinun por les 13.30 sön plaza dlungia le Sanví y jun cun auti privac ciaran de senté adöm tan ch'ara vá.

Le Museum de Tor invieia mituns/ans a fá granares de belorí por la Domënia dal Orí en dedemesaledema ai 29 de merz te dui grups:dales 14.30-15.30 por mituns/ans dla scolina y dales 1.00-17.00 por mituns/ans dl'elementara; cost 5 € por möt; prenotesse por mail prenotaziuns@museumladin.it o 0474 524 020.

Le Sorvisc ai Jogn y le Consëi Formaziun Badia mët a jí n curs de basa da cujiné por duc (da 15 agn insö) cun le referënt Simon Valentini tl Zënter jonëza, SaJ.un a La lla en vëndres, 31 de merz, dales 18.00 - 21.00, da fá derzades scëmples da vigni de y en sabeda, 01 d'aurí, dales 13.00-16.00, da tëne sò val' duciaria. Iscriziuns cina ai 28/03 cf.badia@rolmail.net o 338 488 6447 Karin.

Le Museum de Tor/Aziënda Museums Provinziai chir personal:

1 post por le sorvisc da puzené, 15 ores al'edema dai 11.04.23 ai 30.11.2023, termo da dé jö la domanda 20.03.2023.

2 posc por le sorvisc tl bar, 25 ores al'edema; dal mertesc ala domënia, dai 24.04.2023 ai 28.11.2023, termo da dé jö la domanda 23.03.2023.

1 post por le sorvisc de cassa/assistënza tl secretariat 24 ores al'edema, dai 02.05.2023 ai 05.11.2023, termo da dé jö la domanda 31.03.2023.

Por informaziuns plü menüdes scrí a info@museumladin.it o tel. 0474 524 020.

Mené les domandes cun curriculum vitae a info@museumladin.it o les dé jö personalmënter tl Museum Ladin, Str. Tor 65, 39030 San Martin de Tor.

Le Vinzenter Knabenchor, sot ala direziun de Andrea Tasser, ves invieia de cör al concert de Carsëma dal titul: "Ein Lied von der Größe des Herrn" en domënia ai 26 de merz, dales 18.00, tla dljia de Badia.

Teater: mercui 22/03 dales 20.00; sabeda 25/03 dales 20.00; domënia 26/03 dales 15.00 y mercui 29/03 dales 20.00 - prenotaziuns: 0474 64 60 30.



unitepastorala.org

Plata dles Ploanies San Martin y Lungiarü



ploan siur Klaus Sottas 344 15 54 055 - ksottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

19.03. - 26.03.23 n. 17

ultimo termo por comunicaziuns: jöbia, dales 20.00

4ª DOMËNIA DE CARSËMA "A"

Vangele do Jan 9, 1-14

Jon por tru, â Gejù odü n ël che ê verc da so nadè insö. Dailò l'â sù discepuì damanè: Rabbi, chë à pa fat picé? Èl instës? O à sù geniturs fat picé, ch'al é nasciü verc? Gejù à respognü: No sù geniturs, no ël n'â fat picé, mo l'opra de Dî dess gnì manifestada pro d'ël. I messun, tan dî ch'al é dé, adempli les opres de chël che m'â menè; al vëgn la nôt, olache degügn ne sciafia plü da fà val'. Tan dî che iö sun tl monn, sunsi iö la löm dl monn. Do ch'al â albü dit chësc, àl spodé ia por tera; spo àl fat cun la spöda na pâsta, ti l'â sferiada al verc söi edli y ti à dit: Va y làete tl lêch de Scïloa; Scïloa ô di: L'Anunziadù. L'ël é jü y s'â lavè. Y canch'al ê indô gnü, odôl.



Gejù delibrëia le verc da sùa situaziun da petler, te chëra che la jënt vëiga n castighe de Dî. Por Gejù n'é chël verc nia n piciadù, deach'al se dejidrëia da odëi le dër lominus.

Ai farisés, che s'arata credënc y iüsc, ne ti interessëiel nia che n chestian vëgnes indô sann intun. Ai se dessëna cun le verc. Chël indere ne se tëm nia y ti tëgn bot ales autorités. Y canch'ai le stluj cinamai fora de sùa comunité, chirel n daciasa nù tla fede y al devënta un che vëiga veramënter.

Te chësta storia de varijun s'intenunse indô n niade che Gejù ne varësc nia l'edl verc o les iames paralisades. Mo al renforza i debli y ti dá ai arbandoná y ai amará indô sù dignité.

Da daidé varí a chësta manira sunse ince iö bun, sc'i ti dá atenziun a chi che é rová sön l'ur dla vita.

da image

EDEMA	SAN MARTIN	LUNGIARÜ	SAN MARTIN - LUNGIARÜ
19.03.23 CUARTA DOMÈNIA DE CARSEMA - A <i>Domènia di Seminars</i> <i>cun oferta por i Seminars</i>	9.00 Corona 9.30 Gran Mëssa <i>(siur Klaus Costabiei)</i> en onú de S. Ojöp por la Uniun di Èi + Pasquale Schuen + Erna Frenner + Giovanni Sorà (dl ann) + Alfred Videsott + Maria Unterweger + + de Gröpa dedô Istruziun por i Èi	7.50 Les Staziuns 8.15 Gran Mëssa por la comunité en onú de S. Ojöp por la Uniun di Èi	I grups Ministranc, les Schires Joniles, le grup Families dla Unitè Pastoral y le SaJ inviëia mituns y families en sabeda, ai 25 de merz, a na prozesciun cun les Staziuns portades dant da mituns/ans de dōta la valada. I piun ia dales 14.45 da San Linert, mëssa sō Oies dales 16.00. Dedō aurela cōrta y buffet. Dal'oferta dl De de Oraziun por les Ères él gnü ite a S. Martin 338 euro y a Lungiarü 251 euro. Dër bel dilan dales uniuns dles ères. La Uniun dles Patrones dl Comun da San Martin vënn ciüfs da d'ainsciōda por la Südtiroler Krebsilfe en Domènia dal Orí, ai 2 de aurí, do mëssa te dūc i trëi paisc. Dilan bele sëgn. I sun invíá ala FUNZIUN PENITENZIALA. Tl liber nū "Laldun le Signur" vëgnel splighé so significat al nr. 624,3 apé dla plata. Ince sc'i ne ciafun nia l'assoluziun dal prou, éra da odëi sciōche n aiüt y n vare important sōn le tru de nosta converjiun, a chëra che Gejú nes inviëia tres danü, y na buna preparaziun por Pasca. SANT OJÖP DA NAZARET  Sant Ojöp da Nazaret é n sant che ti é dër dlungia ala jënt, deach'al stá cun trami i pîsc sōla tera y cun le cōr tl cil. Al á ascuté la parora de Dî y á vit aladô. Porchël él trōpa jënt che vá da Sant Ojöp cun sū crüzi y sū fistidi y le prëia do sūa interzesciun pro Chël Bel Dî, tla speranza che chësc "ël dla vita da vigni de" capësces sū bojëgns y che ël, che á tres ascuté sō Chël Bel Dî, vëgnes ince ascuté sō da d'ël. La gran devoziun te dōt le monn a Sant Ojöp desmostra che la oraziun a d'ël ne sciafia nia da ester debann.
20.03.23 SANT OJÖP Lönesc "Festa dl Pere"	19.00 Devoziun a Sant Ojöp		
21.03.23 <i>Cristian, Benedët</i> Dedolönesc/Mertesc	19.00 Mëssa <i>(siur Degan)</i> fam. Tone y Elsa Gasser + Paul Ferdigg + + + Franz, Alma y Hedwig + + insegnanc y direturs		
22.03.23 <i>Lea, Clemens, Elmar</i> Dedemesaledema/Mercui	18.00 Les Staziuns		
23.03.23 <i>Turibio, Rebeca</i> Jöbia		19.00 Mëssa en onur dl sanch prezius de Gejú + Rita Dapoz Mischi + + Isidoro y Monica Mischi + + Ivo Sorá y Frida Dapoz dl ann + Roslinda Deiaco dl ann + Sabina Deiaco, Mazchel	
24.03.23 <i>Elia, Oscar Romero</i> Vëndres	18.30 Adoraziun chîta 19.00 FUNZIUN PENITENZIALA	16.30 Les Staziuns cun i mituns	
25.03.23 Sabeda ANUNZIAZIUN DL SIGNUR <i>Oferta por le tremoroz</i>	19.30 Mëssa prefestia <i>(siur Klaus)</i> + + Otto y Maria Erlacher + + Franz y Maria Chizzali (dl ann) + + Franz y Milia Vantsch + + + Paul, Loise y Cherubina Flöss + + Frida y Paul Vantsch + Maria Planatscher Trebo + Heinrich Clara + Clara Comploi	19.30 FUNZIUN PENITENZIALA	
26.03.23 CUINTA DOMÈNIA DE CARSEMA - A	9.00 Les Staziuns 9.30 Liturgia dla Parora <i>Oferta por le tremoroz</i>	7.50 Les Staziuns ciantades dal Cor 8.15 Liturgia dla Parora <i>Oferta por le tremoroz</i>	